



Prva epizoda međusezone Besjeda o obrazovanju i novi Zakon o visokom obrazovanju

U prvoj epizodi ljetnje sezone, gošće su bile Melika Husić-Mehmedović i Selma Kadić-Maglajić. Tema je bila priprema novog Zakona o visokom obrazovanju.



Tokom naučne konferencije „12. dani BHAAAS u BiH” snimljena je kompletna međusezona Besjeda o obrazovanju koja će biti emitovana svakog ponedjeljka i srijede u 19h na [Facebook stranici COI Step by Step](#) i [YouTube kanalu](#) organizacije.

U prvoj epizodi ove **ljetnje šeme**, gošće su bile *Melika Husić-Mehmedović, Ministrica nauke, visokog obrazovanja i mladih Kantona Sarajevo* i *Selma Kadić-Maglajić, profesorica na Katedri za marketing Ekonomskog fakulteta Univerziteta u Sarajevu*.

- U toku je priprema novog Zakona o visokom obrazovanju, kako Ministrica nauke, visokog obrazovanja i mladih Kantona Sarajevo, Melika Husić-Mehmedović kaže „*ovaj nacrt Zakona je potekao iz akademske zajednice*“.
- Selma Kadić-Maglajić je pričala o dijalogu koji je ovaj nacrt Zakona o visokom obrazovanju pokrenuo u akademskoj zajednici i o načinu na koji se taj dijalog vodi.

Dva ključna pitanja koja se trenutno problematiziraju su pitanje napredovanja akademskog osoblja i prelazak studenata iz godine u godinu, Husić-Mehmedović je za drugo pitanje zamolila studente da joj pomognu prilikom formulisanja dijela **Zakona** koji se njih direktno tiče.

Husić-Mehmedović je rekla da ovaj Zakon doprinosi većem kvalitetu nastavnog osoblja, koji kroz nastavu donosi veći kvalitet studentima.

„Nisam zadovoljna nacrtom Zakona u pogledu napredovanja akademskog osoblja, smatram da kriterijumi treba da budu mnogo stroži i mnogo ozbiljniji.“ rekla je Kadić-Maglajić, dajući primjer kako će u buduće funkcionirati jedan od kriterijuma. *„Utjecaj se treba zaslužiti kroz kvalitetan naučni rad i kroz inovativne naučne prakse.“* dodala je Kadić-Maglajić.

Osmog jula će ovaj zakon da bude tema rasprave u Skupštini Kantona Sarajevo, u nadi da će rasprava biti konstruktivna i argumentovana nadamo se da će doprinjeti unapređenju obrazovanja u BiH.

Budite sa nama ovog ljeta svakog ponedjeljka i srijede od 19h na [našem Facebook profilu](#) i [YouTube kanalu](#).

Tema epizode: *Prva epizoda međusezone Besjeda o obrazovanju i novi Zakon o visokom obrazovanju*

Epizodu možete pogledati na ovom linku: [LINK](#)

Collections

Autorski tekstovi

Besjede o obrazovanju